



ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ

ՀԱՆՐԱՅԻՆ ՀԵՌՈՒՍՏԱՌԱԴԻՈԸՆԿԵՐՈՒԹՅԱՆ ԽՈՐՀՈՒՐ

Ո Ր Ո Շ ՈՒ Մ

21 փետրվարի, 2019 թվականի № 9-Լ

«ՀԱՅԱՍՏԱՆԻ ՀԱՆՐԱՅԻՆ ՌԱԴԻՈԸՆԿԵՐՈՒԹՅՈՒՆ» ՓԱԿ ԲԱԺՆԵՏԻՐԱԿԱՆ ԸՆԿԵՐՈՒԹՅԱՆ ԳՈՐԾԱԴԻՐ ՏՆՕՐԵՆԻ ԹԱՓՈՒՐ ՊԱՇՏՈՆԻ ՀԱՄԱԼՐՄԱՆ ՀԱՄԱՐ ՄՐՑՈՒՅԹ ՀԱՅՏԱՐԱՐԵԼՈՒ ԵՎ ՄՐՑՈՒՅԹԻ ԿԱԶՄԱԿԵՐՊՄԱՆ ԵՎ ԱՆՑԿԱՑՄԱՆ ԺԱՄԱՆԱԿԱՎՈՐ ՀԱՆՁՆԱԺՈՂՈՎ ՍՏԵՂԾԵԼՈՒ ՎԵՐԱԲԵՐՅԱԼ

Հիմք ընդունելով «Հեռուստատեսության և ռադիոյի մասին» Հայաստանի Հանրապետության օրենքի 31 հոդվածի 1-ին մասի 5-րդ կետի, Հանրային հեռուստառադիոընկերության խորհրդի 2010 թվականի սեպտեմբերի 6-ի № 50-Լ որոշմամբ հաստատված (2011 թվականի մարտի 28-ի № 21-Լ որոշմամբ փոփոխված)՝ «Հայաստանի հանրային հեռուստաընկերություն», «Հայաստանի հանրային ռադիոընկերություն» «Շիրակի հանրային հեռուստառադիո» և «Հոգևոր-մշակութային հանրային հեռուստաընկերություն» փակ բաժնետիրական ընկերությունների գործադիր տնօրենների թափուր տեղերի մրցույթի անցկացման կարգի պահանջները՝ Հանրային հեռուստառադիոընկերության խորհուրդը **ո ր ո շ ու մ է.**

1. «Հայաստանի հանրային ռադիոընկերություն» փակ բաժնետիրական ընկերության գործադիր տնօրենի թափուր պաշտոնի համալրման համար հայտարարել մրցույթ և ստեղծել մրցույթի կազմակերպման և անցկացման ժամանակավոր հանձնաժողով հետևյալ կազմով՝
 - Երվանդ Երզնկյան՝ «Հայաստանի հանրային ռադիոընկերություն» ՓԲԸ-ի Էստրադային սիմֆոնիկ նվագախմբի գեղարվեստական ղեկավար և դիրիժոր (Հանձնաժողովի նախագահ)
 - Մերուժան Տեր-Գուլանյան՝ Հանրային հեռուստառադիոընկերության խորհրդի անդամ
 - Մարատ Օրոյան՝ «Հայաստանի հանրային հեռուստաընկերություն» ՓԲԸ-ի ելքերի բովանդակության վերահսկող
 - Մարգիս Նաջարյան՝ «Հայաստանի հանրային ռադիոընկերություն» ՓԲԸ-ի հաղորդման խմբագիր, հեղինակ
 - Լևոն Գալստյան՝ Հանրային հեռուստառադիոընկերության խորհրդի անդամ (Հանձնաժողովի քարտուղար)

2. Հավանություն տալ «Հայաստանի հանրային ռադիոընկերություն» փակ բաժնետիրական ընկերության գործադիր տնօրենի թափուր պաշտոնի համալրման համար հայտարարության տեքստին (ըստ N 1 հավելվածի) և այն ոչ ուշ, քան 2019 թվականի փետրվարի 26-ը հրապարակել «Հայաստանի Հանրապետություն» օրաթերթում, Հայաստանի հանրային հեռուստատեսությամբ և/կամ Հայաստանի հանրային ռադիոյով:

ՀԱՆՐԱՅԻՆ ՀԵՌՈՒՍՏԱՌԱԴԻՈՂՆԿԵՐՈՒԹՅԱՆ

ԽՈՐՀՐԴԻ ՆԱԽԱԳԱՀ

Ռ. ՋԱԴԻՆՅԱՆ

21 փետրվար, 2019 թվականի

ք. Երևան

Հավելված N 1

**ՀՀ Հանրային հեռուստառադիոընկերության խորհրդի
2019 թվականի փետրվարի 21-ի N 9-Լ որոշման**

**«ՀԱՅԱՍՏԱՆԻ ՀԱՆՐԱՅԻՆ ՌԱԴԻՈԸՆԿԵՐՈՒԹՅՈՒՆ» ՓԱԿ ԲԱԺՆԵՏԻՐԱԿԱՆ
ԸՆԿԵՐՈՒԹՅԱՆ ԳՈՐԾԱԴԻՐ ՏՆՕՐԵՆԻ ԹԱՓՈՒՐ ՊԱՇՏՈՆԻ ՀԱՄԱԼՐՄԱՆ ՀԱՄԱՐ
ՀԱՅՏԱՐԱՐՈՒԹՅԱՆ ՏԵՔՍՏ**

Հանրային հեռուստառադիոընկերության խորհուրդը հայտարարում է «Հայաստանի հանրային ռադիոընկերություն» փակ բաժնետիրական ընկերության գործադիր տնօրենի թափուր պաշտոնի համալրման համար մրցույթ:

Մրցույթին կարող է մասնակցել Հայաստանի Հանրապետության այն քաղաքացին, ով լրագրության, իրավագիտության և/կամ հեռուստառադիոհեռարձակման կառավարման բնագավառում հեղինակավոր և որակյալ մասնագետ է, գիտության, մշակույթի և/կամ արվեստի գործիչ, ունի բարձրագույն կրթություն և տիրապետում է հայոց լեզվին:

Մրցույթին մասնակցելու համար ներկայացվում են հետևյալ փաստաթղթերը՝

- ա) դիմում,
- բ) անձնագրի պատճեն,
- գ) բարձրագույն կրթությունը հաստատող փաստաթղթի պատճեն,
- դ) ինքնակենսագրություն (մանրամասն),
- ե) մասնագիտական գիտելիքներն ու գործնական կարողությունները հավաստող այլ փաստաթղթեր (գիտական աշխատություններ, հրապարակումներ կամ դրանց ցանկը),
- զ) երկու լուսանկար՝ 3x4 չափսի:

Փաստաթղթերը մրցույթի կազմակերպման և անցկացման հանձնաժողովի քարտուղարին են ներկայացվում մրցույթի անցկացման մասին զանգվածային լրատվության միջոցներով հայտարարմանը հաջորդող տասն օրվա ընթացքում (բացառությամբ շաբաթ և կիրակի օրերի) ժամը 11:00-ից մինչև 17:00, Հայաստանի Հանրապետություն, քաղաք Երևան, Ալեք Մանուկյան 5 հասցեով (հեռ. 010-57-85-02, 091-425-722): Նշված ժամկետից հետո ներկայացված փաստաթղթերը չեն ընդունվում:

Մրցույթի կազմակերպման և անցկացման ժամանակավոր հանձնաժողովը մրցույթի մասնակիցների փաստաթղթերն ընդունելու վերջին օրվան հաջորդող հինգ աշխատանքային օրվա ընթացքում ուսումնասիրում է մրցույթի մասնակիցների վերաբերյալ փաստաթղթերը և որոշում է կայացնում մրցույթում հաղթող ճանաչելու մասին: Անհրաժեշտության դեպքում, մինչև մրցույթի հաղթողի վերաբերյալ որոշում կայացնելը, հանձնաժողովը կարող է մրցույթի մասնակիցների հետ անցկացնել հարցազրույց: